

Na osnovu člana 72. Zakona o javnim nabavkama Bosne i Hercegovine ("Službeni glasnik BiH" broj 39/14), a nakon provedenog otvorenog postupka za pružanje usluge razvoja informacionog sistema za praćenje implementacije IPA programa (MERSA), zaključen je

**UGOVOR**  
**za pružanje usluge razvoja informacionog sistema za praćenje implementacije IPA programa (MERSA)**

**Između**

**1. Bosna i Hercegovina, Vijeće ministara, Direkcija za evropske integracije, Sarajevo, Đoke Mazalića broj 5, koju zastupa direktor Edin Dilberović (u daljem tekstu: Ugovorni organ)**

**i**

**2. Konzorcij potpisan između (u daljem tekstu: Pružalac usluga):**

**1. TENEO d.o.o. Sarajevo, ul. Franje Račkog broj 3, koju zastupa direktor Alan Čatić - Lider konzorcija;**

**2. INFODOM d.o.o. Sarajevo, ul. Franje Račkog broj 3, koju zastupa direktor Alan Čatić.**

**Član 1.**

(1) Predmet ovog Ugovora je pružanje usluge razvoja informacionog sistema za praćenje implementacije IPA programa (u daljnjem tekstu: MERSA) za potrebe Ugovornog organa po ukupnoj cijeni ponude u iznosu od 172.627,20 KM bez PDV-a.

(2) Sastavni dio ovog Ugovora je Ponuda Pružaoca usluga od dana PN-08/2021. godine.

**Član 2.**

(1) Usluge iz člana 1. stav (1) ovog Ugovora obuhvataju usluge razvoja namjenskog softvera za unos podataka, praćenje procesa implementacije IPA fondova, koji su BiH stavljeni na raspolganje.

(2) Pružalac usluga se obavezuje da će predmetnu uslugu pružiti u skladu sa Prilogom 1 i Prilogom 2 tenderske dokumentacije.

(3) Pružalac usluga se obavezuje da provede aktivnosti koje podrazumjevaju razvoj softvera neophodnog za uspostavu informacionog sistema koji će biti moguće pretraživati na osnovu ključnih riječi, i u kojem će se nalaziti i biti smješteni u elektronskom formatu, dostupni svi IPA dokumenti, od finansijskih i okvirnih sporazuma do Akcionih dokumenata i ROM (Result Oriented Monitoring) izvještaja o praćenju. Pored toga projektne aktivnosti uključuju i ostvarenje uslova koji će omogućiti da nakon što se realizuje testna faza, dati sistem bude upotrebljiv za unos podataka.

**Član 3.**

Pružalac usluga se obavezuje da će predmetnu uslugu izvršiti u roku od 10 (deset) mjeseci počevši od dana obostranog potpisivanja Ugovora prema sljedećoj dinamici:

Zadatak	Indikativni vremenski okvir	Ciljevi / očekivani rezultati
Analiza dokumentacije	30 dana od potpisivanja ugovora	Međusobno razumijevanje korisnika informacionog sistema i izabranog pružaoca usluga o potrebnim funkcionalnostima sistema, interfejsu i metodologiji implementacije projekata. Početak korištenja <i>Atlassian Confluence</i> sistema za saradnju, razmjenu i raspravu o idejama, specifikacijama, <i>mockup</i> formama sistema, dijagramima, zapisnicima sa sastanka, itd. tokom cijelog trajanja projekta
Inicijalni dizajn sistema	20 dana nakon analize dokumentacije	Razvoj <i>mockup</i> verzija glavnih formi sistema u saradnji sa projektnim timom Ugovornog organa, uključujući prijedlog za hardversku arhitekturu, posebno postavljanje minimalnih i preporučenih zahtjeva za konfiguraciju i hosting.
Agilni razvoj IS-a	180 dana od od utvrđenog inicijalnog dizajna	SCRUM razvoj funkcionalnosti MERSA-e u skladu s projektnom dokumentacijom, te u toku razvoja utvrđenim novim poboljšanjima i funkcionalnostima. <ul style="list-style-type: none"> <li>• Prvi sprint: Razvoj prvog prototipa sistema</li> <li>• Drugi sprint: Puštanje u rad testne verzije sistema</li> <li>• Korištenje <i>Atlassian JIRA</i> sistema za prijavu grešaka i praćenje implementacije projekta</li> <li>• Redovni sastanci projektnih timova po metodu iteracija (planiranje, demonstracija i retrospektiva) i vanredni sastanci, ako je potrebno</li> <li>• Isporuka funkcionalnih verzija sistema u svakoj iteraciji</li> <li>• Testiranje sistema</li> <li>• Projektni tim Ugovornog organa utvrđuje završetak razvojnih iteracija.</li> </ul>
Isporuka, instalacija i konfiguracija IS-a	10 dana od uvrđenog završetka faze razvoja sistema	Konfiguracija IKT platforme, Instalacija sistema, uključujući sav eventualni software treće strane Dostava tehničke dokumentacije (uključujući korisnička uputstva i video uputstva) Puštanje sistema u rad.
Obuka korisnika	30 dana od isporuke, instalacije i konfiguracije IS-a	Obuka korisnika, testiranje sistema i prilagođavanje sistema u skladu sa zahtjevima korisnika.
Pilot implementacija	20 dana nakon završetka obuke	Rad sa korisnicima na provođenju prvih nekoliko radnih procedura u sistemu. Prijave grešaka, brzo uklanjanje grešaka u radu sistema i fino podešavanje sistema, ukoliko je to neophodno. Isporuka ažuriranog izvornog koda.
<b>Ukupno trajanje izvršenja predmetne usluge:</b>		10 mjeseci od dana obostranog potpisivanja Ugovora